



Vogošća, ul. Jošanička, br. 80; tel: 00387 33 586 413, fax: 586 444

Broj: 07-11-1324/26
Vogošća, 31.08.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 31.08.2026. godine donio je

ODLUKU
O IZBORU NAJPOVOLJNIJEG PONUĐAČA ZA NABAVKU RADOVA NA
REKONSTRUKCIJI FEKALNE KANALIZACIONE MREŽE I IZGRADNJI NOVE OBORINSKE
KANALIZACIONE MREŽE NASELJA ORAHOV BRIJEG, OPĆINA VOGOŠĆA
- KOLEKTOR 8

Član 1.

Ponuda ponuđača "Harysco" d.o.o. Sarajevo, ulica Bihaćka br. 1, Sarajevo, odabrana je za nabavku radova na rekonstrukciji fekalne kanalizacione mreže i izgradnji nove oborinske kanalizacione mreže naselja Orahov Brijeg, općina Vogošća - kolektor 8, kao prvoplasirana na Rang listi, sa ponuđenom ukupnom cijenom nabavke u iznosu od 362.500,00 KM bez uračunatog PDV-a, odnosno 424.125,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 02.07.2026. godine donio Odluku o pokretanju Otvorenog postupka nabavke radova na rekonstrukciji fekalne kanalizacione mreže i izgradnji nove oborinske kanalizacione mreže naselja Orahov Brijeg, općina Vogošća – kolektor 8, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 03.07.2026. godine pod brojem: 1353-1-3-152-3-136/26.

Sažetak Obavještenja o nabavci objavljen je u "Službenom glasniku BiH" broj: 48/26 od 10.07.2026. godine.

Tendersku dokumentaciju sa Portala javnih nabavki BiH je preuzelo 23 (dvadesettri) ponuđača.

Krajnji rok za dostavu ponuda bio je 10.08.2026. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 10.08.2026. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1324/26 iz jula 2026. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 6 (šest) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1.	"Manjo" d.o.o. Sarajevo	363.874,30	/	/	425.732,93
2.	Konzorcij "Ame" d.o.o. Breza i „Kopex-Dodig“ d.o.o. Čitluk	364.575,38	/	/	426.553,20
3.	"Bujice" d.o.o. Konjic	363.462,89	/	/	425.251,58
4.	"Hidrom" d.o.o. Vogošća	364.171,22	/	/	426.080,33
5.	"Harysco" d.o.o. Sarajevo	364.848,96	/	/	426.873,28
6.	"Ted Invest" d.o.o. Sarajevo	364.744,15	/	/	426.750,65

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Pregledom ponuda Komisija je utvrdila sljedeće:

Ponuda grupe ponuđača Konzorcij "Ame" d.o.o. Breza – voditelj konzorcija i „Kopex-Dodig“ d.o.o. Čitluk – član konzorcija ne ispunjava formalno-pravne uslove tražene Tenderskom dokumentacijom i to:

Tačkom 7.4.1.Tenderske dokumentacije navedeno je da uskladu sa članom 51. Zakona, ponuđač je dužan ispuniti sljedeće uslove tehničke i profesionalne sposobnosti:

- a) da je u posljednjih 5 (pet) godina računajući od dana podnošenja ponude, kao izvođač radova realizovao minimalno jedan ugovor čiji je karakter i kompleksnost isti ili sličan onom koji se odnosi na predmetnu nabavku (radovi na rekonstrukciji ili izgradnji vodovodne ili kanalizacione mreže) u ukupnom iznosu od 365.000,00 KM bez uračunatog PDV-a ili više pojedinačnih ugovora u ukupnom zbiru od 365.000,00 KM bez uračunatog PDV-a.

Nadalje, tačkom 7.4.2.U svrhu dokazivanja ispunjavanja uslova iz tačke 7.4.1. ponuđači su dužni u ponudi dostaviti sljedeće pismene dokaze:

- a) spisak izvršenih ugovora u ukupnom iznosu od 365.000,00 KM bez uračunatog PDV-a u posljednjih 5 (pet) godina računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od druge ugovorne strane (Naručioca) u skladu sa članom 48. stav 2. Zakona.

Ukoliko se potvrde o izvršenim radovima ne mogu obezbijediti iz objektivnih razloga, ponuđač će dostaviti izjavu o uredno izvršenim poslovima uz predočenje dokaza o učinjenim pokušajima da se takve potvrde osiguraju.

Napomena I: Dokazi koji se dostavljaju moraju biti originali ili ovjerene kopije.

Napomena II: Potvrda o izvršenim radovima koju izdaje druga ugovorna strana (naručilac) obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora te navode o uredno izvršenim ugovorima.

Grupa ponuđača Konzorcij "Ame" d.o.o. Breza i „Kopex-Dodig“ d.o.o. Čitluk je u ponudi dostavio potpisan i ovjeren Spisak izvršenih ugovora ponuđača „Ame“ d.o.o. Breza, broj: 31-02/26 od 30.07.2026. godine i Spisak izvršenih ugovora ponuđača „Kopex-Dodig“ d.o.o. Čitluk od 05.08.2026. godine na memorandumu Ponuđača, u kojem su navedeni ugovori koje su ponuđači realizovali u proteklih 5 (pet) godina, te su dostavljene potvrde o realizaciji ugovora, i to: Potvrda broj: 03-47/26 od 26.01.2026. godine izdata od Grada Široki Brijeg, Potvrda broj: 02-404-9/24 od 18.11.2024. godine izdata od Opštine Ljubinje, Potvrda broj: 02-11-2885/22 od 20.04.2023. godine izdata od Općine Čitluk, Potvrda broj: 02-404-33-9/21 od 13.01.2022. godine izdata od Opštine Ljubinje i potvrda broj: 02-04-3899-22/20 od 01.08.2022. godine izdata od Opštine Drvar.

Međutim, uvidom u navedne potvrde u kojima je naveden predmet ugovora, samo se neke odnose isključivo na radove koji su predmet ovog postupka nabavke, tačnije na radove na rekonstrukciji ili izgradnji vodovodne ili kanalizacione mreže, dok su se neke potvrde odnosile na sanaciju ulice koja je osim vodovodnih instalacija podrazumjevala i radove na sanaciji i rekonstrukciji ceste.

U skladu sa odredbom člana 3. Stav 1. Zakona o javnim nabavkama BiH ("Službeni glasnik BiH", broj 39/14, 59/22 i 50/24), u cilju transparentnog postupanja i jednakog tretmana svih ponuđača koji učestvuju u postupku nabavke, Komisija je uvažila informacije dobivene od Grada Široki Brijeg i Opštine Ljubinje koje je Općina Vogošća dobila u postupku nabavke radova na vodosnabdijevanju gornjih zona naselja Krivoglavci i Svrake na području općine Vogošća - V faza (izgradnja distributivnog cjevovoda Krivoglavci II). Naime, Općina Vogošća je kao ugovorni organ već aktom broj: 07-11-511/26 (07-11-460/26) od 15.05.2026. godine od Grada Široki Brijeg zatražila pojašnjenje Potvrde broj: 03-47/26 od 26.01.2026. godine i to dostavljanje informacije u kojem iznosu je „Kopex Dodig“ d.o.o. Čitluk – član konzorcija kao izvođač izveo vodovodne radove i odvodnju (ugradnja korugiranih i betonskih cijevi sa izradom okana i sl.) u ulici Ovčiji brod i Trnopoljskoj ulici u Gradu Široki Brijeg, te od Opštine Ljubinje pojašnjenje Potvrde broj: 02-404-9/24 od 18.11.2024. godine u kojem iznosu je „Kopex Dodig“ d.o.o. Čitluk – član konzorcija kao izvođač izveo radove na izgradnji atmosferske kanalizacije prilikom adaptacije Svetosavske ulice u opštini Ljubinje.

Uvažavajući već dostavljene podatke Komisija je konstatovala da je iznos radova na izgradnji i sanaciji vodovodnih instalacija manji od 365.000,00 KM kako je traženo Tenderskom dokumentacijom.

Imajući u vidu da je tenderskom dokumentacijom traženo da je ponuđač u posljednjih 5 (pet) godina realizovao minimalno jedan ugovor ili više pojedinačnih ugovora čiji je karakter i kompleksnost isti onom koji se odnosi na predmetnu nabavku u iznosu od 365.000,00 KM, Komisija je konstatovala da Grupa ponuđača Konzorcij "Ame" d.o.o. Breza i „Kopex-Dodig“ d.o.o. Čitluk ne ispunjava kvalifikacione uslove postavljene Tenderskom dokumentacijom.

Zbog prethodno navedenog, a u skladu sa odredbom člana 2. stav I alineja 2 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je neprihvatljiva jer ne ispunjava kriterije za kvalifikaciju privrednog subjekta.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Manjo" d.o.o. Sarajevo,
- "Bujice" d.o.o. Konjic,
- "Hidrom" d.o.o. Vogošća
- "Harysco" d.o.o. Sarajevo i
- "Ted Invest" d.o.o. Sarajevo,

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih ponuda ponuđača, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 80/23) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 19.08.2026. godine u 14:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 19.08.2026. godine, Komisija za javne nabavke je sačinila sljedeću Rang listu u Otvorenom postupku za nabavku radova na rekonstrukciji fekalne kanalizacione mreže i izgradnji nove oborinske kanalizacione mreže naselja Orahov Brijeg, općina Vogošća - kolektor 8 kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1.	"Harysco" d.o.o. Sarajevo	362.500,00	424.125,00
2.	"Manjo" d.o.o. Sarajevo	363.000,00	424.710,00
3.	"Bujice" d.o.o. Konjic	363.462,89	425.251,58
4.	"Hidrom" d.o.o. Vogošća	364.171,22	426.080,33
5.	"Ted Invest" d.o.o. Sarajevo	364.744,15	426.750,65

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Harysco" d.o.o. Sarajevo, za nabavku radova na rekonstrukciji fekalne kanalizacione mreže i izgradnji nove oborinske kanalizacione mreže naselja Orahov Brijeg, općina Vogošća - kolektor 8, kao prvoplasiranom na Rang listi, sa ponuđenom ukupnom cijenom nabavke u iznosu od 362.500,00 KM bez uračunatog PDV-a, odnosno 424.125,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

OPĆINSKI NAČELNIK

Migdad Hasanović

Dostavljeno:

1. "Manjo" d.o.o. Sarajevo
2. Grupa ponuđača „Ame“ d.o.o. Breza i „Kopex-Dodig“ d.o.o. Čitluk
3. "Bujice" d.o.o. Konjic
4. "Hidrom" d.o.o. Vogošća
5. "Harysco" d.o.o. Sarajevo
6. "Tedinvest" d.o.o. Sarajevo
7. Nadležnoj Službi
8. U dosije
9. a/a

info@manjo.ba

ame@bih.net.ba
bujice@bih.net.ba
hidromdoo@hotmail.com
nerminazeco.harysco@gmail.com
tedinvestdoo@gmail.com

Akt izradila: Meliha Čolpa

Akt kontrolisala: Đejna Sarač

Akt odobrila: Đejna Sarač

DOSTAVLJENI AKT JE ISTOVJETAN ORIGINALU KOJI SE NALAZI U SPISU PREDMETA